



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի
օգնականների դասավանդման հմտությունների զարգացման
ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ ՀՀ Լոռու մարզի Դարպասի միջնակարգ դպրոց
Թեմա՝ «Գնահատման տեսակները և նրանց դերը
ուսումնական գործընթացում»

Վերապատրաստող, մենթոր՝ Լ. Քալաշյան

Ուսուցիչ՝ Ն. Սահակյան

2023

ԲՈՎԱՆԴԱԿՈՒԹՅՈՒՆ

Ներածություն	3
Գնահատում.....	4
Գնահատման քաղաքականություն.....	7
Սովորողի ուսումնառության արդյունքների գնահատման 10 միավորային սանդղակի միավորների բնութագրիչներ	10
Եզրակացություն	13
Գրականություն	14

ՆԵՐԱԾՈՒԹՅՈՒՆ

Հանգուցային բառեր՝ միավորային, ուսուցանող, ներքին, արտաքին գնահատում

Կրթական համակարգը մեր երկրում դեռևս փոփոխությունների ընթացքում է և անհրաժեշտ է ներդնել նորարական մտքեր և գաղափարներ, փորձարկել դրանք և համակարգի սեփականությունը դարձնել միայն լավագույնները՝ արդյունավետները:

Գնահատումը հանդիսանում է ուսումնական գործընթացի որակի և ուսուցման արդյունքների բացահատման միջոց:

Ուսումնառության գործընթացի արդյունավետ ուսուցումը կախված է նաև արդյունավետ գնահատման համակարգից: Նոր մոտեցումներին, մեթոդներին համապատասխան գնահատումը, որով պարզվում է սովորողների և դպրոցների կողմից առարկայական չափորոշիչների և ծրագրերի կատարումը, որով ստուգվում է աշակերտների գիտելիքները, կարողությունները, ունակությունները և անձնային որակները, պետք է այսօր լինի նոր, նորացված, բարեփոխված, անաչառ, թափանցիկ, օբյեկտիվ: Կրթության որակի բարելավման համար ընտրված գնահատման համակարգը ևս խթան է կրթության որակի բարձրացմանը, բայց ուսումնառության ընթացքում բացահայտվում է գնահատման համակարգում առկա խնդիրներ, որոնք իրատեսորեն խանգարում են, խոչնդոտ են կրթության որակի արդյունավետ բարելավմանը: Հետազոտության նպատակն է ներկայացնելով գնահատման տեսակները, նպատակները, բնութագրերը, սկզբունքները, մեթոդները, ցույց տալ, որ ուսուցման գործընթացում անհրաժեշտ է կիրառել գնահատման առավել ճկուն համակարգեր, որոնք բնութագրվում են իրենց ունիվերսալությամբ, բնութագրերի հստակությամբ և օբյեկտիվությամբ: Հետազոտությունն անց է կացվել 6-րդ աշակերտների հետ՝ 8 տղա և 4 աղջիկ :

ԳՆԱՀԱՏՈՒՄ

Ամփոփիչ /միավորային գնահատում, նպատակը, ձևերը, տեսակները

Կրթությունը ամենահզոր գեներն է, որը դու կարող ես օգտագործել աշխարհը փոխելու համար:

Նեյսոն Մանդելա

Գնահատումը, արժևորումը և չափումը եզրույթներ (տերմիններ) են, որոնք առնչվում են որոշակի տվյալների պարբերական հավաքման և որոշումներ կայացնելու նպատակով դրանց վերլուծության հետ, իսկ դրանց իմացությունը կարևոր է հատկապես դասավանդող ուսուցիչների համար:

Որոշ դեպքերում այդ եզրույթները ձեռք են բերել նոր իմաստներ կամ իմաստային նրբերանգներ:

Գնահատումը` սովորողի մասին տեղեկություն ստանալու, հավաքելու, վերլուծելու և դրա հիման վրա հանրակրթության բովանդակային և կազմակերպչական աշխատանքների արդյունքներն ի մի բերելու և վերահսկելու գործընթաց է:

Գնահատումը` տեղեկատվության հավաքումն է այն մասին, թե ուսումնառության նպատակի որ աստիճանին է հասել սովորողը: Այդ տեղեկությունների համար աղբյուր են գրավոր թեստերի արդյունքները, տնային առաջադրանքի կատարման մակարդակը, լաբորատոր և այլ գործնական, հետազոտական բնույթի գրավոր աշխատանքները, նախագծերը, բանավոր հարցումները, և ուսուցանող գնահատման ուղղությամբ արված աշխատանքների մասին գրանցումները:

Արժևորումն` աշխատանքի, արդյունքի, երևույթի արժեքավորության կամ արժեքի մասին հիմնավորված եզրահանգում անելն է: Ուսուցիչներն արժևորում են, թե սովորողներն ինչպիսի հաջողությամբ կամ ինչ չափով են հասնում իրենց ուսումնական նպատակներին, օլիմպիադաներին կամ այլ ստուգատեսների ու մրցույթների նրանց պատրաստականության իմաստով, ինչպես նաև տարեվերջին որոշելու` արդյո՞ք նրանք բավարար չափով պատրաստ են հաջորդ ուսումնական տարում կրթությունը բարեհաջող շարունակելու համար, թե՞ ամռանը լրացուցիչ աշխատելու անհրաժեշտություն կա: Արժևորման հիմնավորվածությունը ամրապնդվում է որոշակի տվյալների հավաքմամբ, որոնց օգնությամբ կկայացվեն ճիշտ որոշումներ: Տվյալների հավաքման այդպիսի գործընթացն անվանվում է **չափում**, եթե օգտագործվում են քանակական տվյալներ կամ գնահատում, որը կարող է ներառել թե՛ քանակական, թե՛ որակական տվյալներ: Օրինակ` թեստերից (թեստային աշխատանքներից), հարցման տարբեր տեսակներից, հանձնա-

բարված նախագծերից: Ստացված թվային տվյալներն օգտագործվում են արժևորումների ընթացքում: Ուսումնական գործընթացում **գնահատումը** նշանակում է նաև քանակական

ու որակական տվյալների նպատակային հավաքում: Ուստի դա ավելի լայն ընդգրկում ունի, քան չափումը:

Ուսուցիչների համար գնահատման նպատակը, սովորաբար, սովորողների ձեռքբերումների հետ կապված որոշումներ կայացնելն է: Օրինակ՝ ուսուցումից հետո ուսուցիչը հայտորոշում է սովորողների առջև ծառայած դժվարությունները, փորձում է դրանք վերացնել և ապա կատարում է յուրացման աստիճանի ստուգում: Դասարանի ձեռքբերումների մակարդակը պարզելուց հետո, ելնելով սովորողների արդեն ձեռք բերած գիտելիքներից, նա ընտրում է ուսուցումը շարունակելու ճիշտ տեղը:

Միջին դպրոցում գնահատման համակարգը խթանում է սովորողների ուսումնառության գործընթացը: Սովորողների ձեռք բերած գիտելիքների, կարողությունների գնահատումը ուսուցման և ուսումնառության ողջ գործընթացի անբաժանելի մասն է կազմում: Գնահատումը միջին դպրոցում իրականացվում է հստակ չափանիշներով:

Գնահատման նպատակն է՝

- ✓ Նպաստել սովորողների գիտելիքների, կարողությունների և հմտությունների ձեռքբերմանը և դրանց շարունակական զարգացմանը:
- ✓ Մշտապես դիտարկել սովորողների ուսումնական գործունեությունը և արձանագրել ձեռքբերումները:
- ✓ Ուսուցիչներին, դպրոցի տնօրենությանը, համայնքին, նաև վերադաս մարմիններին տրամադրել լիարժեք և հավաստի տեղեկություն սովորողների գիտելիքների, կարողությունների և հմտությունների մակարդակի մասին:
- ✓ Դիտարկել, բարելավել կրթական ծրագրերի բովանդակությունը, դասավանդման մեթոդական համակարգը:
- ✓ Ծնողներին տրամադրել հիմնավորված տեղեկություն յուրաքանչյուր սովորողի ուսումնառության որակի, ձեռքբերումների և առաջընթացի մասին:

Ընթացիկ գնահատումը՝ հանրակրթության գնահատման համակարգի առաջնային և կարևոր մասն է: Ընթացիկ գնահատման նոր համակարգի համար սահմանվում են հետևյալ առաջնային նպատակները.

- ա) սովորողի ուսումնական գործունեության և առաջադիմության ընթացքի բացահայտում, նրա ձեռքբերումների ու դժվարությունների արձանագրում, հաշվառում և վերլուծություն.
- բ) կրթակարգով և պետական չափորոշիչներով ամրագրված հանրակրթության բովանդակային բաղադրիչների իրականացման բացահայտում,

սովորողի կողմից դրանց յուրացման և տիրապետման աստիճանի շարունակական, փուլային ստուգում ու գնահատում:

Գնահատման սկզբունքները՝ Գնահատումը ուսումնառության և դրա կատարելագործման վերաբերյալ փաստեր, հավաստի տվյալներ հավաքելու շարունակական գործընթաց է. արտացոլում և տարբեր կողմերից ներկայացնում է առկա լավագույն փորձը, խթանում է սովորողների և ուսուցիչների համատեղ գործունեության արդյունավետ զարգացումը:

Ընթացիկ գնահատման նոր համակարգի և արդյունավետ գնահատման հիմքում ընկած են հետևյալ սկզբունքները՝ հավաստիություն, հիմնավորվածություն, հուսալիություն, մատչելիություն, արդարություն, թափանցիկություն: Մրանցից բխում են առանցքային հետևյալ խնդիրները՝

1. Գնահատման տարբեր ձևերի և տեսակների համակարգված կիրառման միջոցով հնարավորություն տալ սովորողներին առավելագույնս ցուցաբերել իրենց գիտելիքները, կարողությունները, հմտությունները:

2. Գնահատման չափանիշների հստակեցման միջոցով բարելավել ուսուցման գործընթացի արունավետությունը:

3. Ուսուցանող (ձևավորող) գնահատման կանոնակարգման շնորհիվ ավելացնել սովորողների հետաքրքրությունն ուսուցանվող առարկաների նկատմամբ և բարձրացնել ուսումնառության արդյունավետությունը:

4. Իրազեկել ծնողներին՝ իրենց երեխաների ցուցաբերած առաջադիմության ցուցանիշներին և բարձրացնել ուսումնառության գործընթացի նկատմամբ սովորողների պատասխանատվության զգացումը:

5. Նպաստել սովորողի անձնային որակների ձևավորմանն ու վարքագծի բացահայտմանը, խթանել նրա ինքնաճանաչման, ինքնազարգացման և ինքնագնահատման կարողությունների զարգացումը:

6. Գնահատման նոր համակարգի ներդրման շնորհիվ բարձրացնել ուսուցիչների պատասխանատվության և մասնագիտական պատրաստվածության աստիճանը:

Սովորողներին գնահատելիս կարևորում են նաև հոգեբանական, տարիքային առաձնահատկությունները: Պետք է ինչ-որ չափով հաշվի նստենք նաև աշակերտի հետ, որպեսզի արդյունավետ հանգուցալուծում տրվի բոլոր առաջացած հարցերին:

Գ Ն Ա Հ Ա Տ Մ Ա Ն Ք Ա Ղ Ա Ք Ա Կ Ա Ն Ո Ւ Թ Յ Ո Ւ Ն

Միջին դպրոցում կիրառվում է **ներքին և արտաքին** գնահատման ձևերը:

Ներքին գնահատումը իրականացնում են ուսուցիչները, առարկայական հանձնախմբերը և տնօրենությունը: **Արտաքին գնահատումն** իրականացնում է ՀՀ կրթության և գիտության նախարարությունը:

Գիտելիքների ստուգման ներքին և արտաքին գնահատումը, վկայում են այն, որ համեմատած ուսումնառության ընթացքում ստացած գիտելիքներին, համատեղելի չէ:

Գնահատման փուլերը: Գնահատման ողջ գործընթացը բաժանվում է երեք փուլակապակցված փուլերի.

ա) Գնահատում. ինչպե՞ս ենք բացահայտում՝ ի՞նչ գիտեն, ի՞նչ են սովորել սաները:

Միավորներով գնահատումն իրականացվում է առարկայական ուղեցույցներում գետնեղված չափորոշիչների 4 խմբերի հիման վրա: Ուսումնական տարվա ընթացքում ամեն խմբին համապատասխան գնահատում կատարվում է ամենաքիչը 2 անգամ:

Զևավորող գնահատում-ուսուցիչը պարբերաբար իրականացնում է հետևյալ ձևերով՝ ուսուցչի դիտարկումներ, սովորողների փոխադարձ գնահատումներ և ինքնագնահատում: Այս գնահատման ընթացքում կիրառվում են տարբեր միջոցներ՝ բանավոր ելույթ, ստուգող հարցաթերթ, հաշվետվություն սովորածի շուրջ, թղթապանակի բովանդակության գնահատում և այլն:

բ) Գրանցում (Recording). ինչպե՞ս ենք հավաքում, վերլուծում և ամփոփում տվյալները:

Միավորային գնահատման (թեմատիկ ստուգողական և ընթացիկ) արդյունքները գրանցվում են էլեկտրոնային մատյանում: Կրթակարգով նախատեսված է գնահատումների 10 միավորային համակարգ, որը ճշգրիտ կարող է որոշել աշակերտների ընթացիկ, կիսամյակային, անգամ քննության գնահատականները:

գ) Հաշվետվություն. ինչպե՞ս ենք ներկայացնում տեղեկատվությունը կամ գնահատման արդյունքները: Սովորողի տարեկան գնահատականը ձևավորվում է երկու կիսամյակների գնահատականների միջին թվաբանականով: Կիսամյակային հաշվետվություն ներկայացվում է կիսամյակի վերջում, որը ներառում է՝

- տեղեկություն կիսամյակի ընթացքում սովորողի հաճախելիության մասին.
- ուսումնական գործընթացում սովորողի մասնակցության և դրսևորած նախաձեռնողականության մասին.
- սովորողների կարողությունների ձեռքբերման և դրանց դրսևորման գործընթացի մասին.
- ուսուցչի դիտարկումները և ուսումնական գործընթացի բարելավման համար տրված խորհուրդները.

- տվյալ առարկայի չափորոշիչներին համապատասխան՝ սովորողի կիսամյակային գնահատականները:

Ընթացիկ հաշվետվությունները ներկայացնում են տվյալ ժամանակահատվածում սովորողի ձեռքբերումները կամ բացթողումներն ըստ չափորոշիչների, մատյանի գնահատականները, անհրաժեշտության դեպքում՝ ուսուցչի և մանկավարժի դիտարկումները և ուսումնառության բարելավման համար տրված խորհուրդները: Հաշվետվությունները գրվում են հայերենով և եթե սովորողի կամ նրա ծնողների մայրենի լեզուն հայերենը չէ, ապա այն թարգմանվում է նաև սովորողի կամ ծնողի մայրենի լեզվով:

Այսպիսով՝ արդյունավետ գնահատումը հնարավորություն է տալիս. **Սովորողներին՝**

- կիրառելով ուսումնառության տարբեր ձևեր և մտածողության որակներ՝ դրսևորել գիտելիքների, հասկացությունների ընկալում և դրանք համապատասխան իրադրության մեջ կիրառելու կարողություն.

- նախապես տեղեկանալ և հասկանալ այն չափանիշները, որոնց հիման վրա պետք է գնահատվեն իրենց աշխատանքի արդյունքները, վերլուծել իրենց և ուրիշների ուսումնառությունը և բացահայտել՝ այդ գործընթացում ինչը բարելավման կարիք ունի.

- սովորածը հաղորդել կամ սովորեցնել ուրիշներին:

Ուսուցիչներին՝

- տեղեկատվություն ստանալ ուսուցման յուրաքանչյուր փուլի մասին՝ հաշվի առնելով սովորողների պահանջները և ուսուցիչների ուսումնասիրությունները.

- մշակել և զարգացնել ուսուցման արդյունավետ մոտեցումներ՝ հաշվի առնելով յուրաքանչյուր սովորողի անհատական առանձնահատկությունները, մտավոր կարողություններն ու մշակութային տարբեր արժեքները.

- համագործակցաբար վերլուծել և բարելավել սովորողների առաջընթացը: **Ծնողներին՝** Ծանոթանալ և արձագանքել երեխայի(ների) ուսումնական առաջընթացը և զարգացումն արձանագրող փաստերին և տեղեկատվությանը:

ԸՆԹԱՑԻԿ ԳՆԱՀԱՏՈՒՄ



ՄԻԱՎՈՐԱՅԻՆ

ՈՒՍՈՒՑԱՆՈՂ

Միավորային գնահատման ներկայումս կիրառվող տեսակներն են՝

- բանավոր հարցում

- գործնական աշխատանք
- թեմատիկ աշխատանք

Ընթացիկ գնահատումն իրականացվում է *բանավոր, գրավոր և գործնական* եղանակներով: Կարող է իրականացվել նաև թղթապանակով:

Միավորային գնահատումը ուսումնառության ընթացքում սովորողի ձեռքբերումների մակարդակը թվանշանով արտահայտելն է՝ համաձայն առարկայական չափորոշի: Միավորային գնահատումը պետք է լինի հնարավորինս օբյեկտիվ և հնարավորություն տա ստուգելու ցանկացած սովորողի իրական կարողությունները:

ՍՈՎՈՐՈՂԻ ՈՒՍՈՒՄՆԱՍԻՐՎԱԾ ԾՐԱԳՐԱՅԻՆ ՆՅՈՒՄՆԱՍԻՐՎԱԾ ԾՐԱԳՐԱՅԻՆ ՆՅՈՒՄՆԱՍԻՐՎԱԾ ԾՐԱԳՐԱՅԻՆ ԳՆԱՀԱՏՄԱՆ 10 ՄԻԱՎՈՐԱՅԻՆ ՍԱՆԴՂԱԿԻ ՄԻԱՎՈՐՆԵՐԻ ԲՆՈՒԹԱԳՐԻԶՆԵՐ

Միավորային գնահատման արդյունքները գրանցվում են 1-ից մինչև 10 ամբողջ թվերով արտահայտվող միավորային սանդղակով:

- 1 միավոր` չի ցուցաբերում ուսումնասիրված ծրագրային նյութի իմացություն:
- 2 միավոր` ցուցաբերում է ուսումնասիրված ծրագրային նյութի բովանդակության հետ չառնչվող տարրական գրագիտություն և պարզ առաջադրանք կատարելու պատրաստակամություն:
- 3 միավոր` ցուցաբերում է ուսումնասիրված ծրագրային նյութի բովանդակության չափորոշչային նվազագույն պահանջների անբավարար իմացություն և պարզ առաջադրանք կատարելու պատրաստակամություն:
- 4 միավոր` ցուցաբերում է ուսումնասիրված ծրագրային նյութի չափորոշչային նվազագույն պահանջներին համապատասխան իմացություն, ծանոթ կամ պարզ իրադրությունում այն կիրառելու կարողություն, և այդ նյութի վերաբերյալ պարզ առաջադրանք կատարելու պատրաստվածություն:
- 5 միավոր` ցուցաբերում է ուսումնասիրված ծրագրային նյութի չափորոշչային նվազագույն պահանջներին համապատասխան իմացություն, ծանոթ իրադրությունում այն կիրառելու կարողություն, ոչ բարդ հիմնավորում պահանջող առաջադրանք կատարելու պատրաստվածություն:
- 6 միավոր` ցուցաբերում է ուսումնասիրված ծրագրային նյութի չափորոշչային նվազագույն պահանջներին համապատասխան լիարժեք իմացություն, ծանոթ իրադրությունում այն կիրառելու կարողություն, կողմնորոշման և կատարման համար հայտնի մեթոդների իմացություն, միջնորդավորված քայլ ենթադրող առաջադրանք կատարելու պատրաստվածություն:
- 7 միավոր` ցուցաբերում է ուսումնասիրված ծրագրային նյութի իմացություն, ծանոթ իրադրությունում այն կիրառելու կարողություն, կողմնորոշման և կատարման համար միջնորդավորված քայլ կատարելու կարողություն, հիմնավորում պահանջող առաջադրանք կատարելու պատրաստվածություն:
- 8 միավոր` ցուցաբերում է ուսումնասիրված ծրագրային նյութի հիմնավոր իմացություն, ծանոթ իրադրությունում այն կիրառելու կարողություն, կողմնորոշման և կատարման համար ինքնատիպ մոտեցում, միջնորդավորված քայլ, պարզ արտածում, հիմնավորում պահանջող առաջադրանք կատարելու պատրաստվածություն: Կարողանում է ճանաչել տեղեկատվության կազմությունն ու կառուցվածքը, տրոհել այն մասերի և տեսնել այդ մասերի միջև եղած կապերը:

➤ 9 միավոր՝ ցուցաբերում է ուսումնասիրված ծրագրային նյութի հիմնավոր իմացություն, անձանոթ իրադրությունում այն կիրառելու կարողություն, կողմնորոշման և կատարման համար ինքնատիպ մոտեցում, հատուկ մեթոդներ, միջնորդավորված քայլ, արտածում, հիմնավորում պահանջող առաջադրանք կատարելու պատրաստվածություն: Անհրաժեշտ նյութը ձեռք բերելու համար կարողանում է օգտվել տարբեր աղբյուրներից, հավաքել, համադրել ու վերլուծել ձեռք բերած տեղեկատվությունը:

➤ 10 միավոր՝ ցուցաբերում է ուսումնասիրված ծրագրային նյութի հիմնավոր իմացություն, անձանոթ իրադրությունում այն կիրառելու կարողություն պահանջող, կողմնորոշման և կատարման համար բազմակողմանի վերլուծություն, ստեղծագործական մոտեցում, հատուկ մեթոդներ, արտածում, հիմնավորում, կռահում ենթադրող առաջադրանք կատարելու պատրաստվածություն: Կարողանում է անհրաժեշտ նյութը ձեռք բերելու համար օգտվել տարբեր աղբյուրներից, հավաքել, համադրել, ամփոփել ձեռք բերած գիտելիքն ու տեղեկատվությունը:

Դասարանում սովորողների ընդունակությունները խիստ տարբեր են, բայց ուսուցումը կազմակերպում են միևնույն, ընդհանուր տեմպով և ստեղծվում է անհավասար պայմաններ: Այսպիսի փաստացի առաջադիմությամբ աշակերտը կորցնում է հավատը ուսման, կյանքի և իր ուժերի նկատմամբ, մինչդեռ ուսուցումը աշխատանք է և աշակերտը գնահատվում է բավարար անարդյունք աշխատանքի համար, առանց գիտելիք ձեռք բերելու:

Համադրելով արտաքին և ներքին ստուգումները, բացահայտվում է, որ աշակերտների գիտելիքները կայուն չեն:

Գնահատականի ինչպիսին լինելուց է կախված սովորողի հետագա քայլերը: «Ի±նչ, ինչպե±ս և ինչու± գնահատել» -այս հարցերն են ամեն օր ծառանում լավ ուսուցչի առջև:

Գնահատման մեթոդներ կարող են լինել՝

ընկալումը ստուգող ոչ պաշտոնական միջոցները, երկխոսությունը կամ քննարկումը, հարցաշարը, գործնական աշխատանքը: Գնահատումը պետք է պլանավորել ոչ թե բովանդակության մեծ մասն ուսուցանելուց հետո, այլ թեմատիկ միավորի դասավանդումը պլանավորելիս: Հենց որ պարզորոշ ուրվագծվում են ուսումնառության նպատակները, հարկ է անմիջապես ուշադրությունը կենտրոնացնել գնահատման վրա:

Գնահատման գործընթացում ուսուցիչը պետք է կարևորի նաև սովորողի ինքնագնահատելու կարողությունը: Ուստի յուրաքանչյուր թեմայի ավարտին կարելի է հանձնարարել սովորողներին լրացնել ինքնագնահատման թերթիկ, թե ինչ սովորեցին թեմայի շրջանակներում:

Գնահատման ենթակա առաջադրանքներ՝

Հայտորոշիչ գնահատում՝ աշխատանք համակարգչային ծրագրի հետ:

Ուսուցանող գնահատում՝ բանավոր հարց ու պատասխան՝ թեմայի բովանդակության յուրացումը գնահատելու համար, հարցաշար (թեստ)՝ փաստական տեղեկությունների և հասկացությունների յուրացումը գնահատելու համար, ունկնդրել տեքստը, լրացնել բացթողումները և վերնագրել:

Ամփոփիչ գնահատում՝ MS Word-ի միջավայրում էսսե՝ գրավոր խոսքի կարողությունները գնահատելու համար:

Ընթացիկ գնահատման 10 համակարգչային գործընթացի միավորային գնահատումը ամբողջովին չի բացահայտում ուսուցման օբյեկտիվ արդյունքները, չի արտացոլում սովորողի և դպրոցի առաջընթացի իրական պատկերը: Ընթացիկ գնահատումներից առավել հարմար է ուսուցանող գնահատումը, սա գնահատում է սովորելու, ինքնագնահատելու համար: Առաջնային չենք համարում ընթացիկ միավորային գնահատման տեսակները:

Որոշիչ են՝ ընթացիկ բանավորի, թեմատիկ գրավորի, գործնական աշխատանքի գնահատականները:

Որոշիչ միավորային այսպիսի գնահատումները դառնում են ոչ միայն միջոց, այլև մի գործիք ուսուցանող-արժևորող գնահատման համար:

Չնայած որոշիչ են և ընթացիկ, և թեմատիկ, գործնական ու ամփոփիչ հարցումների գնահատականները, կատարում ենք վերլուծություններ, քննարկումներ, մեկնաբանումներ և ճանապարհ բացում բնութագրող որակումներով տարեվերջյան ամփոփիչ հարցման համար:

ԵԶՐԱԿԱՑՈՒԹՅՈՒՆ

Այսպիսով գնահատման գործընթացը ուսուցման գործընթացի կարևորագույն բաղադրամասն է կազմում, որը կոչված է լուծելու մի շարք դիդակտիկական խնդիրներ: Վերլուծությունները ցույց տվեցին, որ առավել արդյունավետ են գնահատման այնպիսի համակարգերը, որոնք իրենց ճկունությամբ թույլ են տալիս առավելապես բացահայտել սովորողների փաստացի գիտելիքները և նպաստել դրանց բարելավմանը: Կրթության որակի, ուսուցման արդյունավետության խանգարող խոչնդոտները վերացնելու համար անհրաժեշտ է համեմատել սովորողի միավորային և ուսուցանող գնահատումները, կիրառել այն գնահատումը, որը խթանում է սովորողի կրթության և ուսուցման արդյունավետությանը, պարզում գիտելիքների յուրացման արդյունքները և առաջընթացի իրական պատկերը: Վերլուծության եզրակացությունը մեկն է՝ ուսուցումը երկկողմանի պրոցես է, որի նորմալ ընթացքը պայմանավորված է ուսուցչի և աշակերտի պարտականությունների բարեխիղճ կատարմամբ: Գնահատումը պետք է խրախուսի աշակերտին, արձանագրի անը, ուժեղ և թույլ կողմերը, հաջողություններն ու վրիպումները: Սովորողին ուղղված գնահատականը պետք է վերաբերի նրա կոնկրետ գործողություններին, արարքներին, գործունեության արդյունքներին, այլ ոչ թե անձին: Այն փաստը, որ սովորողը չի կարողանում լուծել խնդիրը, դեռևս հիմք չէ դատողություններ անելու նրա մտավոր ընդունակությունների մասին: Ուսուցչի համար գնահատումը պետք է աշխատանքը պլանավորելու, փոփոխություններն արձանագրելու, նպատակին հասնելու աստիճանը պարզելու, արդյունքը փաստելու միջոց լինի: Ծնողի համար այն պետք է երեխայի առաջընթացն արձանագրելու, ինչպես նաև դաստիարակության ձևերի շուրջ մտորելու, դրանք ավելի ճկուն և բազմազան դարձնելու միջոց հանդիսանա: Գնահատում են գիտելիքներ, հմտություններ, դիրքորոշում, արժեքներ: Գնահատման արդյունքների ու վերլուծական հաշվետվությունների միջոցով բարելավվում են չափորոշիչներն ու ծրագրերը: Այսպիսով, գնահատման համակարգը դառնում է կրթության որակի վերահսկողն ու պատվիրատուն:

ԳՐԱԿԱՆՈՒԹՅՈՒՆ

1. https://shirakatsy.am/wp-content/uploads/2015/10/gnachatman_qakhakanutyun_myp.pdf
20.11.2021թ.
2. «Ինֆորմատիկայի ուսուցիչների եռօրյա վերապատրաստման ուղեցույց», ՀՀ ԿԳՆ, ԿԾԿ-ԿԱԻ, Երևան -2007թ. «Տիգրան Մեծ», էջ 4-5
3. «Ուսուցիչների հնգօրյա վերապատրաստումների ծրագիր և նյութեր», Երևան, Անտարես- 2008թ. 45էջ
4. <https://www.arlis.am/documentview.aspx?docID=140362> 20.11.2021թ.
«Հանրակրթության մասին» ՀՀ օրենքը, Երևան- 2009թ.
5. «Հանրակրթական պետական կրթակարգ, պետական կրթական չափորոշիչ»| Երևան-2004թ.
6. <https://elearning.iedf.am/course/view.php?id=629> 20.11.2021թ.
7. <https://elearning.iedf.am/mod/page/view.php?id=35071> , թեմա 15.1 20.11.2021թ.
8. <https://elearning.iedf.am/mod/page/view.php?id=35070&forceview=1>, թեմա15
20.11.2021թ.
9. Հայկ Իսախանյան, «Մանկական հանրագիտարան», էջ 1, Երևան-2001թ.
10. «Կրթություն» շաբաթաթերթ թիվ 6, 2013թ, էջ 8-9